

大方廣佛華嚴經論卷第二十七

勿七

唐方山長者李通玄造

十廻向品第二十五之一

本經二十
三卷中起

將釋此品三門如前

○一釋品名目者此品何故名爲十廻向答

勿七

曰以十住初生諸佛智慧家雖有第七方便波羅蜜成大悲行然爲創始應真修理智出世心多行悲行劣故於初發心住於妙峯山頂見比丘名爲德雲得憶念諸佛智慧光明門雖知已後次第十善知識以十波羅蜜互

相參入和融諸行早以具足然當隨本位行門勝劣全異此明同中別令昇進故如十行位中爲行之首即以三眼國比丘名善見即以林中經行用表其十行以智眼慧眼法眼觀根利生化令出俗故以比丘所表爲十行

廣大覆蔭衆多以林所表如此十廻向位中明前二位出俗心多大悲行劣以將十住初心所得諸佛之智慧十行之中出世之行門處俗利生故名廻向廻真入俗利生故名廻向是故此位表法善知識即以鬻香長者名號青蓮華表之明此十廻向法門如合和香法以將諸衆香合成爲一丸互相資益以成偏熏十廻向者亦復如是以戒定慧解脫解脫知見五分法身之香和合大慈大悲諸波羅蜜四攝四無量涅槃生死諸塵勞門共成一箇法界之真香皆從大願爲首是故此位名爲廻向長者名青蓮華者表此位行不染垢淨涅槃也又長者明處俗流智長於世人名之爲長者青蓮華者明色諸華之中此華色香第一以表五位行門此十廻向法門第

一何以然者爲此十迴向法門以大願力會
融悲智生死涅槃成一法界之真自在法故
能資前位佛果使具普賢行門圓滿故亦成
後位十地十一地行門使慣習自在故明前
後十住十行十地十一地總是此十迴向位

勿七二

中理智大願大智大悲所圓融故以此十迴
向位通前徹後總通收故表青蓮華衆華
之中色香最爲殊勝出過餘華也又以表兜
率天宮於諸三界此天殊勝何以故爲世間
三世諸佛皆在此天長菩提心滿化世間故
向上化樂天他化天樂放逸故又向上色界
無色界是樂靜心多故已下夜摩忉利是著
樂之處天非知足故四天王天四面而居非
正位故是故此天處欲界之天上下處中故
又此天而修三福德人之共生處故何者爲

三一修施二持戒三修定自餘諸天不修三
福令均平故皆偏多也修戒施二福是故餘
天或多放逸或多樂靜是故上生經云樂欲
長菩提心者來生此天是故此天說此十迴
向門於此表法勝故又向下忉利夜摩向上
化樂他化此天於此五天處中故故說十迴
向和會慈悲均平今處中故故於此天說十
迴向故故將此處表所說法門又將薺香長
者號青蓮華所表法位以此義之可解是故
名十迴向以表十波羅蜜行參和一多同別

勿七三

之門故爲十種迴向以表無盡故以大願風
吹智慈雲令普雨故

○二釋品來意者大意如前所述可知

○三隨文釋義者義分爲二△第一長科經
意△第二隨文釋義

△一長科經意者從爾時已下至第三十三卷末總作十五段長科

○第一從品初爾時已下至去來現在一切佛迴向有三十三行經是十方諸佛加金剛幢菩薩令說十迴向分於此分中復分爲四段

△一爾時金剛幢菩薩已下至演說諸菩薩十迴向有十八行半經明金剛幢菩薩入定諸佛與同號加持分
△二佛子汝當承佛威神之力已下至無障礙法光故有四行半經明諸佛勸說十迴向法門分
△三爾時已下至善根力故六行經明諸佛與金剛幢十種法力加持分
△四爾時已下至去來現在一切佛迴向有

四行經明諸佛以手摩頂令金剛幢菩薩出定說法分

△第二隨文釋義者約立十門△一釋入三昧因緣△二釋三昧之名△三明諸來佛刹遠近△四明諸佛之數△五明諸佛同號所緣△六明佛來現前稱讚△七明諸佛共加入定△八明諸佛摩頂因緣△九明出定告衆歎法△十明正說十種迴向

△第一明入三昧之因緣者爲欲令後學菩薩知軌則故爲知三昧方便現智令明淨故爲知三昧之力能令說法智慧簡擇自在分明故三世諸佛法則合如是故須入定△二釋三昧之名者何故名爲智光三昧爲以成就大悲之門非大智而不顯如十住中顯佛智慧與自心同合即以方便三昧無作

無思如淨水澄明日月萬象自然現徹如十
行之內三昧即名號善思惟則明於理隨事
法差別名善思惟如此十迴向所入三昧名
智光者則以智行悲明處俗無染以此智光
照俗無俗不真是以鬻香長者青蓮華表之

勿七

四

用明處俗無染十住十行比丘以爲標首以
明出俗之功一依善財知識表之是故此位

圓悲智之自在故三昧名爲智光三昧

△三明諸來佛刹遠近者明隨位勝進智慧
增廣十行云萬佛刹塵此位云十萬佛刹微
塵表勝進過前

△四明諸佛之數者經云十方各十萬佛刹
微塵數明進修智業廣大與十方如來智體
功用合故

△五諸佛同號所緣者何故十方諸佛與入

勿七

五

定菩薩同號爲金剛幢而現其前者有二義
一如前所釋進修智會二以佛名號及如來
身而現入定菩薩前明處位不惑斷自他之
疑故成法印故又智既合同身亦無二故

△六明諸佛來現稱讚金剛幢明以言加令

入定者印法不惑亦令當學之徒斷除疑惑
故又身智既同說法亦等故

△七明諸佛共加入定者所云共加者有二
義一自智所會合佛德故二諸佛隨智與力
二緣會故名之爲加又爲自雖不疑斷他惑

故諸佛與加成法則故又說佛加持有六一
同名號加與同名故二現身加而現其前故
三言讚加以言讚歎故四毘盧遮那往昔願
力加五與十種法加如文自具六以十方諸
佛手摩其頸加

△八明諸佛手摩其頂因緣何故手摩其頂明右手者作用之便明諸佛以右手引接令出定說法又自作用與諸佛作用相及故又諸佛許可到法際故以當位有自位際法也△九明出定告衆歎法者經文自具

△十明正說十種迴向如經下文此釋初段三十三行經竟

○第二佛子菩薩摩訶薩已下至過去未來

現在諸佛已說當說今說有九行半經是正舉十迴向之名目分自此已下佛子云何爲

菩薩摩訶薩已下至第三十三卷內至皆得清淨到於彼岸總有十卷經明正說十迴向隨十波羅蜜進修行門分已上十箇迴向一箇是一箇波羅蜜行都共爲十段科至後隨當位分中方釋

○第三正說十迴向隨十波羅蜜進修行分中從佛子是爲菩薩摩訶薩十種迴向已下至云何爲菩薩摩訶薩救護一切衆生離衆生相迴向於此一段中有二義△一科其當段經意△二隨文解說此十箇迴向中長科有一百八十段經文廣恭箋云此一科是十波羅蜜中第一迴向合前分十五段是第三段故繫第三正說之下今自一科字提起便與下十段俱明不然十迴向似缺第一故表出之

△一科其當段經意者於此救護一切衆生離衆生相迴向段中長科爲十段

△第一佛子云何爲菩薩摩訶薩救護一切衆生相迴向已下至如是等無量善根可五

行經明修六波羅蜜四無量心成就初迴向分

△第二隨文釋義云何行檀波羅蜜淨戒波

羅蜜以能捨惡法戒體自淨故云何修忍波羅蜜施戒已成當修忍力爲施體能捨故與戒體爲淨因忍體須加行修學爲忍防他凌辱非由已自捨故須加行學忍云何起精進波羅蜜以忍體是自息其忿恨非是欣修利

^{勿七}

^士

物之行故須起利物之行是此位精進義云

何起精進波羅蜜入禪波羅蜜以精進勤行利物之行恐多散動相應故須入禪波羅蜜云何住般若波羅蜜以禪能發生淨慧故云

何大慈大悲大喜大捨爲六波羅蜜是出世

心多故加以慈悲喜捨利衆生法均調諸行故此以上六度四無量心使令均平智悲得

所成此初迴向門此迴向法門從十信十住十行總具有之至此本位方令齊等若以解

行門中有此差降若以理智門中總無前後

始終之法已下當位有十度調治之法如下文中具明不煩更釋但如文以行行之云何但以六波羅蜜爲利生行爲明大悲門中但令衆生出世間故然後方令入生死中

第二修善根時已下至皆令得一切智有

小第二修善根時已下至皆令得一切智有

十四行半經明起願念度衆生分

第三佛子菩薩摩訶薩已下至阿耨多羅三藐三菩提有三十三行半經明親疎善惡平等分

第四佛子菩薩摩訶薩已下至住佛所住有二十行經明以諸佛法而爲勝緣深植自善根願與衆生分

第五佛子菩薩摩訶薩已下至令得解脫有三十八行半經明菩薩入於惡道代諸衆生受苦令諸衆生得樂分

勿七

八

△第六佛子菩薩摩訶薩復作是念已下至
便到彼岸有七行經明菩薩以自善根令諸
衆生得十種究竟樂分

△第七佛子菩薩摩訶薩已下至無量善根
有五行經明菩薩隨宜救護衆生得出生死
供養諸佛親近善友分

△第八佛子已下至今一切衆生斷疑故有
十二行半經明菩薩大願衆生雖多不假多
聖唯我一人獨能度盡分

△第九佛子已下至救護一切衆生離衆生
相迴向有三十一行經明菩薩如日普照不
求恩報不著衆生法迴向分

△第十爾時已下至說頌有五行半經明金
剛幢菩薩觀衆說頌分

已下頌中有五十六行頌頌此救護衆生離

衆生相迴向此一段中明菩薩所行之行均
調得所兩行一頌如文自具得意以行行之
△第二隨文解釋者何故名爲救護一切衆
生離衆生相迴向釋此名目有二義△一明
隨位修行次第之法△二明本位名號

△一明隨位修行次第之法者如十住中於
初發心住求一切智此菩薩所緣十種難得
法而發於心所謂處非處等十種如來智力
而發於心生佛家爲佛真子如十行之中行
歡喜行爲大施主凡所有物悉能惠施無有

悔慳行菩薩行以爲所緣如此十迴向中初
迴向名救護衆生離衆生相者即以六波羅
蜜四無量心以爲所緣明即以十住十行所
得大智法身無著淨行起廣大願行處於生
死以六波羅蜜以爲行首慈悲喜捨以爲處

生死利物之緣是故即名爲救護衆生離衆
生相廻向即以慈悲喜捨爲救護以六波羅
蜜出世間法爲離衆生相故爲六度行門是
出世行故是故如是安立次第總在十住初
發心位一時總具只爲紙素竹帛名言次第

遂生分段非是法有前後義故如十住位中
善財童子表法之中海門國觀大海具有阿
修羅等十王供養等是廻向義然教門次第
昇進不可不存若不如斯使後學之流行沉
淪而不進

△二明本位之名者又以大智法身以爲離
體十波羅蜜四無量心以爲處生死救護衆
生所緣是故名救護衆生離衆生相廻向以
智體無依所救護者無性衆生無相正爲救
護而無作者故衆生自真無出沒故名救護

衆生離衆生相廻向成此初廻向法門具足
五緣一具自了法身本自清淨解脫緣二得
大智慧解脫緣三具大願力奉事諸佛利衆
生緣四十波羅蜜具足勝行緣五慈悲喜捨
一切衆生緣具此五法方能成就此初廻向
此之一段以檀波羅蜜爲主九波羅蜜爲伴
善財以鬻香長者號青蓮華表所行行之人
以名下義思之可解於中所行法則鬻香長
者賣香人也能辨諸香和合諸香賣鬻與人
用表此位之行前已釋竟

○第二不壞廻向以戒波羅蜜爲體餘九爲
伴善財以船師號婆施羅爲表行行之人此
云自在住樓閣城城門外海岸上住修大悲
幢行法門明此廻向位中以大悲爲戒體視
一切生死之海令得一切大智之海居生死

勿七

十一

海而得自在故名自在廣說如經又表戒體
如海性淨不宿死屍明法身本淨不宿煩惱
染淨死屍也廣義如文經云佛子云何爲菩
薩摩訶薩不壞迴向者於此一段經文義分
爲二△一長科此一段經意△二隨文解說

○第一長科此一段經意者自佛子已下至
說頌已來總科爲六段

①一佛子已下至無量無數行境界故有十
三行半經明菩薩得信不壞分

②二佛子已下至大願悉使滿足有十一行

經明善薩住持教化衆生分

③三菩薩如是已下至阿僧祇衣敷布其地
有三十三行經明舉依果報嚴分釋義云如
是阿僧祇寶是本行中以法利生依果也阿
僧祇華者是以行能利自他開敷衆善之依

果阿僧祇是忍所報也阿僧祇衣從慚愧
生也阿僧祇蓋大慈悲所生也阿僧祇幡迴
向心所生也阿僧祇幢是隨行不退力所生
也阿僧祇莊嚴具諸助道法所生也阿僧祇
侍從謙敬離慢所生也阿僧祇塗飾地從戒
品生也阿僧祇塗香以戒偏諸法生也阿僧
祇糲香以往昔散華香報所生大綱以行知
果如影隨形一一相似准物類以義解之可
解亦以昔曾以如是物供養佛法僧獲得斯
果故餘准此知之

④四佛子已下至最上信解心迴向有二十
二行半經明菩薩以如上依果所有莊嚴供
養諸佛皆爲度脫衆生分

⑤五佛子已下至第二不壞迴向有二十四
行經明菩薩能隨生死度脫衆生同事諸業

求一切智白淨等法恒不捨分

○六菩薩摩訶薩已下至說頌有八行經明
菩薩得於諸佛妙法斷疑如聞自達能隨想
力入一切刹普照衆生分

已上頌有五十行兩行一頌皆頌當位之中

廻向所行之行如文自具不煩更釋如文行
之

△第二隨文解義者云何爲不壞廻向雖隨
生死海不壞法身雖隨分別而不壞無作雖
隨諸見而不壞法眼雖隨諸行而不壞菩提
心雖教化成熟衆生皆至佛果不壞身心無
依住門雖隨一切衆生知根同事而不壞戒
體恒自白淨是故名爲不壞廻向又一切世
間出世間法無成壞體此廻向體如經云如
實法印印諸業門得法無生住佛所住觀無

勿七

十一

生性印諸境界諸佛護念發心廻向與諸法
性相應廻向入無作法成就所作方便廻向
此是不壞廻向之大體也智不壞生死不壞
大願不壞大悲不壞皆如實故如十住位以
離染大悲爲戒體即以海門國海雲比丘爲

所表十行位中即以工巧笨術以爲戒體即
以釋天童子於河渚中竿印法以爲所表爲
明行爲河流歸海故十廻向中以處俗大悲
爲戒體即以海師自在爲所表

○第三等一切佛廻向以忍波羅密爲體餘
九爲伴表法中以善財童子所見可樂城東
大莊嚴幢無憂林中無上勝長者是也爲城
名可樂依主所行之行立其名故爲明得法
成忍人見可樂住城東者爲明忍爲覺行之
首爲表東方角亢氏房之位主衆善之首房

爲青龍主吉慶位故以東方爲陽爲生萬物之首明忍爲萬行之首生衆福故居城東

也大莊嚴幢者忍隨違境不動也是幢義無

憂林者明忍成行滿如林廣蔭也號無上勝

者衆行之中不勝忍也衆行之中無忍不成

行故餘廣如經說二義如前

△第一長科當段經意者從此一段經中約

科爲十段

△一佛子云何菩薩摩訶薩等一切佛迴向已下至諸根清涼有五行半經明學佛迴向

心得自在清涼分

△二佛子已下至不變異樂有七行半經是

菩薩迴向佛樂分

△三佛子已下至證薩婆若七行經明迴向

菩薩行願分薩婆若此云一切智

④四佛子已下至證一切智有十行經明迴向一切衆生令得離苦分

⑤五佛子已下至具足充滿有兩行經明菩薩行由願廣大充滿分

⑥六佛子已下至迴向諸佛無上菩提有十

八行半經明菩薩以本大悲處俗無染著分

⑦七佛子已下至如來究竟之地有二十五

行半經明施與畜生食願永離衆苦得樂分

⑧八佛子已下至第三等一切佛迴向有十

四行經明菩薩等一切諸佛迴向分

○九菩薩摩訶薩已下至心無所著有六行經明菩薩入佛功德深入法界善知菩薩修行次第分

○十爾時已下一行經明金剛幢菩薩觀衆說頌分

已上有四十八行頌兩行一頌所頌前法如

文具明不煩更解

△第二隨文釋義者何故名爲等一切佛迴向爲此第三迴向成其忍門明無貪瞋癡三業如佛佛所行願皆悉願爲故云等一切佛迴向令願行一如佛故又前云不壞迴向以

次等一切諸佛迴向明次第合然

○第四至一切處迴向者以精進波羅密爲體餘九爲伴以善財所見比丘尼名師子嚩伸住輸那國此曰勇猛城名迦陵迦林此云

者卷舒自在也明以清淨大智勇猛自在卷舒說法利生善和斷鬪諍皆悉從伏無量諸衆生見聞不同廣如經說意表此第四迴向中行精進之行表慈悲之相故無染慈悲說法自在表悲常隨苦流智常無染是摩尼義四無礙智者一義無礙智二法無礙智三辭無礙智四樂說無礙智四無畏者一一切智無畏二漏盡無畏三說障道無畏四說盡苦道無畏二義如前

△第一長科此一段經意義爲八段

④一佛子云何爲菩薩摩訶薩至一切處迴向已下至無邊世界有十二行經明菩薩所修善根如實際徧三世供養分

二佛子已下至廣大威德種性中故有十二行經明諸佛興世如法身徧往無有差別

廣大利益分釋義云如世界種即如華藏世

界種是也約先德云數三千大千世界至一

恒河沙數爲一世界性又數世界性至一恒

河沙爲一世界性又數世界性至一恒河沙爲一世界性又數世界性至一恒河沙爲一世界種云種種世界云衆生雜多也如

轉世界者或圓形轉或流轉如江河是如日

月亦是皆無住止名轉側世界如四天王天

在須彌山側仰世界可知覆世界如胡蜂窠等是亦如世界成就品說已下如經自具

②三佛子已下至護持一切諸佛教故有六

十四行經明菩薩以衆多無盡如法性供養

雲供養如法性無邊衆多如來普攝諸善根

分

③四佛子已下至以善方便修迴向道有十
六行半經明菩薩修迴向以無所得而爲方

便修一切善根分

④五佛子已下至具足一切功德有六行經總結已上供養功德分

⑤六佛子已下至第四至一切處迴向有六行經明都結已上偏一切處迴向所作令佛種不斷廣嚴淨佛刹分

⑥七菩薩摩訶薩已下至能以善根如是迴向有十二行半經明住此迴向時得身語意業偏十方一切處分

⑦八爾特已下一行經明金剛幢菩薩觀衆說頌分

已上有二十二行頌兩行一頌如文自具

△第二隨文釋義者云何至一切處迴向約

位有十一一法身至一切處二智身至一切處三大願至一切處四供養諸佛

至一切處 五見聞聽受諸法至一切處
 六偏現色身至一切處 七開悟衆生至一
 切處 八不出毛孔至一切處 九偏滿十
 方等於法界而無去來至一切處 勿七 十入一
 衆生身心等一切衆生身心至一切處 十六 十

一入一佛身毛孔等一切佛身毛孔至一切
 處迴向又迴向者有十法 一以無作法迴
 向有作法 二以有作法迴向無作法 三
 以一法迴向多法 四以多法迴向一法

五於諸有法迴向無法 六於無法迴向有

留故供養諸佛教化衆生一多同別皆得自
 在故以誠實心起大願雲周覆法界虛空界
 興種種供具供養三世一切諸佛皆願自他
 福德圓滿故是故名爲至一切處迴向大意
 以修得十住十行之中法身理智即依此法
 起大願大悲依無作理智起神通行使不滯
 漆淨不爲漆淨二法心所拘留入神通自在
勿七 門不著神通不著自在爲神通諸法性自離
 故

○第五無盡功德藏迴向者以禪波羅蜜爲
 體以善財童子所見婆須蜜女以爲所行行
 之人所住國土名爲險難城名寶莊嚴以歎
 德中心無分別普知諸法一身端坐充滿法
 界於自身現一切刹所明禪體徧周自在爲
 明禪與智悲會無二體用自在故以國名險
 在故生死涅槃無障礙故得大神通無法拘
 法 七以世間法迴向出世間法 八以出
 世間法迴向世間法 九以一切自性無迴
 向以爲方便有迴向法 十以一切有迴向
 法以爲自性無迴向法爲令滯有無者得自
 在故生死涅槃無障礙故得大神通無法拘

難者以真智會俗城名寶莊嚴者會俗體自真明定亂兩融智悲不礙隨塵不染故號城名寶莊嚴婆須蜜女者此云世友能與世人爲師友故亦曰天友能與諸天作師友或曰易寶或以此女善巧方便易取衆生一切智寶此女身金色目髮紺青若聞說法若暫見若執手若坐其座總得三昧爲明禪體徧周與智會故道合見者總皆是禪體智悲相會之流若也別見之流常對面不覩其容也但爲定與智會智與悲冥隨根接俗號之爲女非即但爲女也十住中第五主禪門即俗士長者號爲解脫明俗體本真衆生身本來佛國故長者身舍佛國明衆生身亦然但禪觀相應即見十行中即以寶髻長者以明禪門以本自居宅十層之閣宅有八門市上接俗

引來宅內即明以智爲禪體就俗引生故云市上引入智境名歸宅內今十廻向之內以婆須蜜女以爲禪門即明十廻向以智悲爲禪體以女表之以致其像用之表法即以所行俗事用彰智隨悲行處世染而不汙若也未悟俗塵爲業所留要須戒定慧志求出世之智若也達智業亡要須處纏不汙方便利生皆令解脫切須知根接引不得惑亂衆生要須依根受藥二義如前

△一長科當段經意者於此段長科爲十三段

①一佛子已下至皆悉具足有六十一行經明菩薩凡所隨喜迴向悉皆具足圓滿分

②二佛子已下至一切佛刹悉亦如是有三十行經明菩薩以大願願菩薩衆海圓滿十

方莊嚴園刹分

④三佛子已下至轉無障礙不退法輪有七

行經明方便迴向分

⑤四佛子已下至超然出現有四行半經明願清淨佛刹至一切衆刹佛常超然出現分

多七

⑥五佛子已下至入一切法界有三行半經明菩薩達一切智知業果寂滅分

⑦六佛子已下至無有少法與法同止有六行經明不分別不著不取分

⑧七佛子已下至得無盡善根有十行經是菩薩得無盡善根分

⑨八佛子已下至一切境界悉無所有可六行經明菩薩了衆生界無衆生於法無得證分補特伽羅云數取趣

⑩九佛子已下至悉充足故有五行經明善

薩無智人法無法入智分

⑪十佛子已下至修治諸行故有六行半經是菩薩成就功德藏堪爲衆生福田分

⑫十一佛子已下至第五無盡功德藏迴向可七行半經是菩薩福相處世無倫分

⑬十二從菩薩摩訶薩已下至十種無盡藏有十四行半經是菩薩得十無盡藏分經云於一毛孔見阿僧祇諸佛出興於世得入法無盡藏者明心性本無大小計盡身爲智影國土亦然智淨影明大小相入如因陀羅網境界喻是也經云以佛智力觀一切法悉入一法者明萬境雖多皆一心而起心亡境滅萬境皆虛如淨水中衆影也水亡影滅此約破有成無說又以境約智生智虛境幻多幻相入不離一虛幻不異虛虛不異幻幻虛無

二一異總虛此約以智幻虛自在無礙門說此皆借法況說如實所知唯亡思者智會其智會者方可用而常真不惑心境以大願力隨智幻生等衆生數身如應攝化故名無盡功德藏自餘如文自具不煩更解

④十三爾時已下一行經明金剛幢菩薩說

勿七

二十

頌分

已上有五十行頌兩行一頌如文自具但如說修行

△第二隨文釋義者云何名無盡功德藏迴

向此位明禪與智冥智與悲會以無盡虛空爲一道場以無盡衆生無明行相而爲佛事身恒承事無盡諸佛而徧周法界化無盡衆生總成佛身表裏相亡始終都盡徧知諸法不壞無心故名無盡功德藏

○第六隨順堅固一切善根迴向此明般若

波羅密爲體以善財知識名鞞瑟祇羅住善度城常供養旃檀座佛塔以爲表法名鞞瑟祇羅此云包攝以身含佛刹爲名爾住善度國者約化行爲名故以此主智慧善度衆生

故供養栴檀座佛塔者明戒定慧解脫解脫

法身爲座體得佛不涅槃際者明戒定慧體無滅沒也廣如經說其座不安形象者明無相理會是佛義故見座入法故城名善度身與空合名爲佛國亦名包攝也以明無相智

勿七慧是佛不滅度法門以智無生滅故

主

△第一長科經意於此一段長科約作六十四段如下此段迴向長行中有六十一段經總明行施於段段中皆有三義一明行施心成就二明施已迴向菩提三明各發十種願

皆願自他成佛已下三段是總結所施之功及金剛幢菩薩觀衆說頌

④第一身肉手足國城妻子悉捨行施

經在說頌

後述有四十四行半

④第二施食有八行經

④第三施飲有六行經

④第四施味有二十行經

④第五施車乘有五行經

④第六施衣有五行經

④第七施華有二十行經

④第八施鬘有五行半經

④第九施香有六行半經

④第十施塗香有十三行半經

④第十一施牀座有十四行經

④第十二施房舍有八行半經

④第十三施住處有九行半經

④第十四施燈明有二十三行半經

④第十五施湯藥有十七行經

④第十六施器物有三十四行半經行經二十五卷止此

④第十七施種種寶嚴飾車經二十六卷起有一百九十四行半

④第十八施象寶有二十六行經

④第十九施師子座有三十八行半經

④第二十施寶蓋有六十二行半經

④第二十一施寶幢有二十七行半經

④第二十二施寶藏有十七行半經

④第二十三施種種妙莊嚴具有二十二行半經

④第二十四施寶冠及髻中珠有十九行經

④第二十五施財寶妻子救衆生牢獄有二十三行半經

經行半

④第二十六施捨身代命有二十九行經

⑤第二十七施連膚頂髻有二十七行半經
經二十七卷起二十六卷止此經

⑥第二十八施眼有二十行半經

⑦第二十九施耳有二十三行半經

⑧第三十施鼻有十六行半經

⑨第三十一施牙齒有二十二行半經

⑩第三十二施舌有二十五行經

⑪第三十三施頭有二十一行半經

⑫第三十四施手足有二十七行半經

⑬第三十五施血有二十行經

⑭第三十六施髓有三十四行半經

⑮第三十七施心有二十四行經

⑯第三十八施肝肺有二十五行經

⑰第三十九施肢節骨有三十行經

⑲第四十施皮有二十二行半經

④第四十一施手足指有十八行半經
勿七

⑤第四十二施連肉爪甲有十八行半經
行半經

⑥第四十三爲求法故捨身火坑有二十一行半經

⑦第四十四爲求正法以身具受無量苦惱有三十二行半經
行半經

有二十行半經

⑧第四十五爲求法乃至一字一句捨其王位國城妻子一切所有有二十一行半經

⑨第四十六菩薩爲自捨屠殺業有二十二行半經

⑩第四十七見殘忍損諸人畜慈心救之所謂去男形也有三十二行半經
經二十七卷止

⑪第四十八菩薩見佛出興普告衆生捨我慢戲論經二十八卷起有二十七行半經

⑫第四十九捨大地有二十一行半經

⑬第五十捨僮僕有二十五行經

⑭第五十一捨身施與一切衆生謙下離慢

有七十
五行經

④第五十二施身給侍諸佛

有二十五行經

④第五十三施土地一切諸物及捨世事

有二十二行

行經

④第五十四捨都城關坊輸稅

有二十二行半經

④第五十五捨妓女

有四十七行半經

④第五十六施所愛妻子

有三十一行半經

④第五十七施舍宅

有二十一行經

④第五十八施園林臺榭

有三十一行半經

④第五十九施廣大施會

有四十一行半經

④第六十施一切資生分

有二十五行經

④第六十一隨諸衆生所須一切阿僧祇物

施有七十七
行半經

已上此一段迴向中總有六十一種施一一
施中十種大願六十一願中有十種迴向以

勿七

二十四

表於一切所著成一切無所著諸性無作供
養諸佛教化衆生行無盡行故

④從爾時金剛幢已下有六行經明金剛幢
一切善根迴向已下至於諸法中而得自在
有六行經都結已下迴向之功

④從爾時金剛幢已下有六行經明金剛幢
菩薩觀衆說頌歎法分

④今上下長行及八十二行頌中文義自具
不須更釋且畧釋迴向名目云何隨順堅固
一切善根迴向經云佛子如是迴向時即爲

隨順佛住隨順法住隨順智住隨順菩提住
總名行檀波羅密周徧刹海不壞法身智身
成就通化長大慈悲等佛所行故爲名也又
釋以理順行以行順理以智順悲以悲順智
以方便願力引生智海成就悲門均調自在

名爲隨順堅固善根迴向論主頌曰法身理智無體性平等清淨無造作方便以願力莊嚴神通變化行充滿法無自性從緣生緣生不失無作性設與迴向大願雲周徧無邊一

切行不離緣體性無生智如影響充法界智

體如願如普賢迴向大願皆無實雖復無實

不廢緣雖復從緣性無作菩薩所興諸行雲

智無來去如影現假使教化諸羣生猶如化

人度幻衆大約如世造立宮室要以功成論其現自施功功體各無自性及至成功事畢

還以無功而益人設宮室有覆養之功亦復

不云養育此迴向大願亦復如是爲理智雖

有淨煩惱之功不與迴向大願無覆育饒益

太慈悲之功此之迴向從初發心住具足有之但約昇進勝劣言之亦約說文廣狹言爾

亦以時不遷論也總五位一時說也古今無前後義也

大方廣佛華嚴經論卷第二十七

音釋

鬻音育賣音賣塗音太水貌笨音算朱式窠音科穴

鞞音俾胝音支義同